



# Inuit Atqatigiit Inatsisartuni

---

3. april 2008

Inatsisartut suleriaasianni § 36 imm. 1 tunngavigalugu naalakkersuisunut ima apeqquteqaateqarpunga:

## **Apeqqut:**

**Naalakkersuisut kommunit kattussuunnerinut atasumik Ivittuut kommuniata siunissaa taamatullu Kangilinnguani sakkutooqarfiup siunissaa pillugit Ivittuut kommunianik ataatsimeeqateqarnissamik pilersaaruteqarpat?**

(Inatsisartunut ilaasortaq Josef Motzfeldt, Inuit Atqatigiit)

## **Tunngavilersuut:**

Martsip 9-ani Naalakkersuisunut apeqquteqarpunga kommunit kattussuunnerinut atasumik Kangilinnguani Grønlandskommandop Ivittuut kommuniani siunissaa pillugu.

28. marts Naalakkersuisut siulittaasuata apeqqutinnut akissutai paasivakka, taamaakkaluartorli akissutini takusinnaanngilara Naalakkersuisut Ivittuut kommunianik toqqannartumik siunissaq pillugu oqaloqateqalersaarnersut.

Nunanut Allanut Pisorta qarfimmit 26. marts Ivittuuni borgmesterimut allakkiaq tunngavigalugu 31. marts paasitineqarpunga kommunit kattussuunnerisigut Ivittuut kommunianut kingunissai pillugit Naalakkersuisut siulittaasuut kommunimik ataatsimeeqateqarnissaq siunertaralugu qaaqquissamaartoq. Paaserusutara tassaavoq tamanna ilumoornerseq.